



^ 16
1533
59



和 10
1533
卷 22
59



羅山林先生集附錄目錄

卷第一

年譜上

卷第二

年譜下

卷第三

行狀

卷第四

編著書目

羅山林先生集附錄目錄

卷第五

編輯始末

年譜

卷第一

年譜

卷第二

年譜

卷第三

羅山林先生集附錄卷第一

羅山林先生集附錄卷第一

年譜上

天正十一年癸未

八月某日

先生生於京洛四條新町町在坊門錦小

路

先生姓林氏出自藤氏之餘流其先在加

州

為士族其後移紀州其祖曰正勝產三子長

曰吉勝次曰信時少曰周堅既而正勝沒三子

皆幼隨母自紀州移攝州大坂經年三子共成

長自大坂到京師遂住焉吉勝從俗薙髮改名

理齋為一族之長娶小篠氏無子信時娶田中
氏產先生誕育未幾理齋養之為子小名菊
松麻呂小篠氏愛育之猶實子

十二年甲申

十三年乙酉

先生三歲 同母弟信澄生

十四年丙戌

先生四歲八月二十三自遭母田中氏之喪
用淨磨法 諱號妙專

十五年丁亥

十六年戊子

十七年己丑

十八年庚寅

先生八歲穎悟不常頗知俗字有一浪人曰德
本常來理齋信時宅讀太平記 先生傍聞諳
誦人皆異之

十九年辛卯

文祿元年壬辰

二年癸巳

三年甲午

先生十二歲既通國學讀演史小說粗窺見中華之書記憶不忘時人歎曰此兒之耳如囊其所入不肯漏脫

四年乙未

先生十三歲元服號又三郎信勝乃登東山入建仁禪寺大統庵古澗慈航長老室讀書時有誦蒙求者傍聞而通習焉既而讀唐宋詩文求

東坡全集於市手自加朱句以終編人皆嘆羨

其本令傳之在恕文庫

十如院永雄長老者大統庵接隣

也先生時時往遊焉雄多藏書先生粗就

觀之雄誓每考故事語未得其出處則問

先生得之者數矣此時兩僧在五岳有強記之

名其於先生如此故世人稱曰又三多智如

文殊自此夙興宵寐螢雪之勤無敢怠也嘗患

眼歸家保養踰月又入東山

慶長元年丙申

先生十四歲今茲永雄講南華口義其所援用
屢請先生校出之雄又講白氏長恨歌琵琶
行先生校雄所藏諸書作之註鈔人皆稱奇
才

二年丁酉

先生十五歲在東山既三年無書無文吾伊不
休學業日新東山僧徒胥議曰此兒不可置於
俗間使之為禪僧則為叢林之翹楚遂勸出家
先生不聽今茲夏衆僧詣京尹前田玄以訴望

之玄以其屬松田氏告理齋信時兩翁答曰
唯是隨兒意也衆僧謂官既許之乃欲誘
先生剃其髮先生不喜潛出寺歸家誓曰余
何入釋氏棄父母之恩哉且無後者不孝之大
也必不為之父母皆喜其志之堅也官亦不強
之

三年戊戌

先生十六歲在家學問不怠其名彰聞先是讀
元亨釋書嘆師鍊之才至是再覽曰彼哉彼哉

今茲偶求事文類聚讀之而博識故事該通詩
文其本今在
恕文庫

四年己亥

先生十七歲 頃年借文選六臣註於永雄每
日讀一卷六旬而畢又借前後漢書於永雄數
月一周覽之其後吉田玄之新刻史記於嵯峨
先生求一部而儼舊點本於東福寺僧手自寫
之彼僧深秘之不許輒借之先附一冊乃點了
返之其次逐卷亦然奚效來往數十回而期月

終功此本羅下 其外借見他本者甚多 先生

謂常覽群書其言皆有所由來唯五經不然則
歷代載籍無不本於五經者當世學者窺其末
不知其本也初余在東山讀唐宋詩文歸家讀
三史文選而後知其皆本於五經也自是專志
於經學

五年庚子

先生十八歲學業大進聲名藉甚當時清原家
儒者講四書唯學庸用朱子章句而論孟猶讀

何趙註皇侃邢昺疏未見集註而五經唯僅竄漢唐註疏而已此時惺窩藤欽夫雖為儒宗避

世不接人先生獨教徒弟講宋儒之書

本朝道學之興權輿於此

今茲之秋有關原之役

東照大神君領闔國兵馬之權

六年辛丑

先生十九歲

八月二十九日養母小篠氏歸泉先生哀莫

殊甚有挽詞數篇用浮屠法
諱號妙珍

七年壬寅

先生二十歲今秋泛舟經歷西海到肥前長崎

寓居經月而歸

八年癸卯

先生二十一歲聚徒弟開筵講論語集註來聞

者滿席外史清原秀賢忌其才奏曰自古無

勅許則不能講書廷臣猶然況於俗士乎請罪

之遂聞達於大神君大君莞爾曰講者可

謂奇也訢者其志隘矣於是秀賢緘口自是
先生講書不休加訓點於四書章句集註專以
程朱之說為主信澄亦就 先生學問其名稍
顯

九年甲辰

先生二十二歲 二月與吉田玄之談朋友交
際之事論朱陸異同並大學三綱領先是
先生聞惺窩之名有欲相見之志然未得紹介
玄之侍惺窩既有年矣故此問答欲傳達於惺

窩三月朔日 先生作書寄玄之玄之請惺窩
作答書既而 先生揭經說數條就玄之問惺
窩今秋 先生初謁惺窩論道學評文章應其
求作陸舟說惺窩寄深衣道服 先生自是著
深衣講書而錄疑問條件呈之惺窩為之批答
所謂惺窩答問是也惺窩嘗語人曰伶俐者世
多有而立志者寡矣我非翹嘉信勝利智只嘉
其志而已近時皆驢鳴犬吠也故久廢筆硯彼
夫起予者乎自此往還不絕事詳惺窩文集並

行狀今年重陽呈啓札於惺窩惺窩嘉賞之其餘所作詩文屢被歎美之

先生講學之暇問本朝官職事於菊亭右府

晴季聽神祇道於東山老僧此僧自卜部清原

兩家傳授者也先生家素無藏書初在東山

時見永雄慈社所蓄速歸家或閱書肆求之或

借於所相識者寫之數歲之間殆元棟宇九倭

漢書不擇新舊觸目則無不一覽披卷則無不

終編平生事業今日當務者不延及明日乃至

一日之間朝不待晝晝不待暮方夜讀書不限
更籌之長短雖燈盡雞鳴味掌倦怠奉仕理齋
信時無不竭力屢謁惺窩無不盡禮與信澄友
愛相睦與親朋不失信義頃間鴻術世業者讀
醫書其序論往往有難解則屢就問焉其餘執
贊受業載酒問字者日自不絕今年記所既見
之書自以自勵益求殊見之書其目如左

孝經 孔安國傳 朱子刊誤

小學

大學

論語

孟子

中庸

四書或問

四書通義通考章圖大全

程復心四書章圖纂釋

梅林臆見

四書知新日錄

四書集註翼

四書程墨訓蒙

小學圖說

中庸九經行義

庸學指南

孔子通紀

四書人物考

四書通證

擊蒙要訣

爾雅註疏

陸佃埤雅

周易傳義大全

附王韓註

詩經集傳大全

毛鄭附

書經集傳大全

孔氏附

禮記集說大全

孔氏附

儀禮註疏

儀禮經傳集註

柯尚遷曲禮全經

柯尚遷周禮全經

周禮鄭玄註

春秋左傳

杜林註
王氏句解

公羊傳疏

穀梁傳

胡氏傳

春秋集傳大全

李廉春秋會通

高閔春秋集註

崔子方春秋經解

東萊左傳博議

國語

常昭註

左傳正義

左傳測言

凌稚隆作

王錫爵左傳釋義評苑

輔廣詩童子問

并師友粹言

儀禮圖

儀禮旁通圖

性理大全

性理群書

二程全書

二程粹言

延平答問

朱子文抄

朱子年譜

朱子書節要

南軒集

經濟文衡

伊洛淵源錄

性理字義

西山心經

黃氏日抄

鶴林玉露

薛文靖讀書錄

附續

魯齋全書

魯齋心法

醫問集

理學類編

困知記

天地萬物造化論

異端辯正

學部通辯

陽村入學圖說

陽村集

南秋江集

漂海錄

天命圖說

性理文錦

宋名臣言行錄

皇明理學言行錄

皇明一統紀要

國朝儒先錄

象山全集

白沙子

郁離子

學範

漢魏叢書

戰國策

史記

漢書

後漢書

荀悅漢紀

袁宏後漢紀

吳越春秋

通俗演義三國志

唐鑒

通鑑綱目

十八史畧

紹運圖

史學提要

十七史纂古今通要

皇明名臣言行錄

歷朝捷錄

東國史記

通鑒論

將鑒博議

帝王事實

聖賢事實

皇明通紀

孤樹哀談

御製文集

龍飛紀畧

綱目品藻

蒙求

續蒙求

貞觀政要

帝鑑圖說

綱鑒

岳飛精忠錄

史記一家言

左傳評林

金史

方輿勝覽

大明一統志

萬書統宗

歷朝故事統宗

折獄明珠

卓氏藻林

困學紀聞

湖海新聞

璧水群英

策學會元

涇野文集

空同文選

老子

列子

莊子

荀子

家語

孔叢子

劉向說苑

劉子

淮南子

揚子

文中子

管韓卮言

太玄經

鬻子

呂覽

鬼谷子

鶡冠子

抱朴子

尹子

鄧子

公孫子

墨子

六韜

三畧

具子

孫子

司馬法

尉繚子

李靖問答

杜佑通典

博物志

華節卮言

圖像山海經

千字文

酉陽雜俎

太平廣記

事文類聚

類說

海錄碎事

勸善書

廣皇輿考

消搖墟引

寂光境目

天主實義

東國史略

陣法

全浙兵制

武經樞要

全相圖書

瑣碎錄

武陵雜藁

聖學輯要

文選六臣注

張鳳翼纂注

楚詞朱子注

後語辯證

陶淵明集

唐詩三體

古文真寶

前後集

李白集

杜甫集

韓文

柳文

白氏文集

樊川集

歐陽集

王荊公詩集

三蘇文集

并百家評林

東坡詩集

東坡全集

山谷集

后山全集

放翁詩集

中州集

擊壤集

陽明詩集

丘濬詩集

玉屑

風雅集

詩格

百二十詠

詞林廣記

詩學正宗

唐詩正音

唐詩品彙

唐詩拾遺

玉山名勝集

衢村集

才子傳

瀛奎律髓

風雅翼

岑嘉州詩集

真西山文集

律賦

鯤溟詩集

花潭文集

劉隨州詩集

皇明詩選

楊仲弘詩集

大雅集

進脩遺集

五雲漫藁

唐音遺響

鼓吹續編

程雪樓文集

錦繡段

百聯抄解

古文大成

古文正宗

文章辯體

文式

宋播芳

源流至論

活套手柬

簡明便覽

歐蘇手簡

東坡尺牘

五先生小簡

容齋隨筆續筆

宋濂文粹

誠齋錦繡策

歐陽論範

文章軌範

附續

文選奇正編

四續文宗

滄溟文選

鳳洲筆記

鳳洲後集

鳳洲續集

古文珠璣

寒山詩集

梅菊百詠

雅頌正音

濂洛風雅

三場文選

國朝文類

續文章正宗

二續諸文品粹

姚鉉唐文粹

牧民心鑑

古今識鑒

為善陰騭

唐荊川文集

南明文選

列仙傳

續仙傳

張文成遊仙窟

元稹西廂會真記

長恨歌傳

開天遺事

小坡艷東

秋坡一轉食

鬆金釧減玉肌論

剪燈新話

剪燈餘話

玄玄經 爛柯經

小學日記

大明律

詞訟錄

便民圖纂

萬家總覽

萬書萃寶

事林廣記

群書鈎玄

錦繡萬花谷

鄉談正音

白玉蟾集

清庵中和集

棊經

玉篇

廣韻

毛韻

韻府

春渚紀聞

搜神秘覽

自警言編

翰苑新書

豔異編

欣賞全編

周易參同契

海明忠孝全書

韻鑿

洪武正韻

說文

書史會要

合璧圖像

軍政集

靈樞

本草綱目

醫經會元

難經本義

海篇心鏡

說文篆韻

金丹性理大全

道書全集

素問 王馬注

本草蒙筌

和劑方

運氣論

痘疹全書

醫方考

六祖壇經

禪苑方語

叢林公論

如如錄

枯崖漫錄

禪儀外文

江湖集

大日經疏

醫學正傳

臨濟錄

人天寶鑑

東山外集

應庵錄

北磬文集

中興詩

維摩經

編年通論

翻譯名義集

天台四教儀

從義集解

圓悟心要

無門關

佛儒口義

普燈錄

正宗贊

禪津文集

人天眼目

張無盡護法論

資治佛鑒

藏叟摘藁

勅脩清規

雲卧紀談

釋氏要覽

山庵雜錄

詣天傳

大藏經目錄

淨土三部經

洛陽白馬寺記

科注法華經

心經 季潭注

金剛經

圓覺經

俱舍

楞嚴經

三教指歸

心經秘鍵

性靈集

元亨釋書

聖一年譜

天龍年譜

寂室錄

空華集

東海瓊華集

蕉豎景

流水集

蟬閣集

水拙手束

小補集

百人一首

梅花無盡藏

花上集

夤閣集

半陶集 冊陽記

脞說

翰苑遺方

帳中香

天下白

桃源史記抄

善隣國寶記

梅溪集 目錄

三益艷詞

撰擇集

二藏義

觀經玄義

傳通記

日本紀

神皇正統記

延喜式

姓氏錄

倭名類聚抄

職原抄

禁秘抄

名目鈔

童子訓

曆林問答

殘儀兵的

管彙抄

右四百四十餘部

先生親筆目錄見在

恕也文庫嘗聞昔禪僧周崇十八歲看盡
 浴中書而赴邊鄙尋未見之書 先生在
 東山時聞此事速歸家藏貯倭漢之書猶
 以為未足故尋求藏書之人則不論貴賤
 親踈借得而讀過焉其中有熟覽全編者
 有電矚一部大體者至若佛書雜書則見
 其頭腦以推知其旨於是記此目錄聊雖
 類次之未必拘次第今據元本不改定之
 自此以後歷壯強至老晚所見之書可准

而知焉當初明船之往來不及今世之十
 之一故求之太難借之亦不易

十年乙巳

先生二十三歲 今春屢見惺窩講習討論尺
 牘來往頻繁惺窩呼 先生稱林秀才名之曰
 愚字之曰子信此時宿儒禪徒有媚疾其才者
 先生不屑之惺窩謂友人曰林忠不避嫌疑不
 改其志者善哉

四月 先生讀春秋傳惺窩寄書曰古人讀春

秋於羅浮羅浮者是不在羅浮而在足下明窓
淨几之上得古人羅浮之意則隨處有羅浮而
已足下讀春秋日用得羅浮之意旨則告我哉
我亦同此樂耳

昔羅仲素讀春秋於羅浮山中惺窩之所言
是也自此惺窩常呼先生稱羅浮山人律
彼書簡表題曰羅浮洞徒弟等皆推崇之稱
羅浮先生傳聞於世遂為家號先生所作
詩文記其名稱羅山子或曰羅洞或曰浮山

又稱胡蝶洞稱梅花村共是以所在羅浮山
故也當時遊惺窩之門者嘗請曰我輩與羅
浮子雖同侍坐于公而其學業有優劣則其
接語不可同等欲稱之曰先生然與公無別
則不安也不知何以稱彼人也惺窩曰固然
宜呼曰提學由是有林提學之稱然惺窩不
同席則皆師事之其中或有先謁惺窩而後
見先生者或有先受學于先生而後請
益于惺窩者

今歲 大神君入洛在二條城聞 先生之名
一日近臣永井直勝奉 旨俄召之即出奉拜
謁焉 大君曰自今可屢來焉經日又登

營極薦清原秀賢相國寺承允長老元信長老
侍 御前 大君問曰光武於高祖世系如何
三人不能答 大君顧 先生曰汝知之否應
聲對曰九世之孫也又問曰漢武返魂香出何
書乎對曰史漢不記之白氏文集新樂府及東
坡詩註有之又問曰蘭多種品抑屈原所愛為

何對曰據朱文公註則澤蘭也 大君顧左右
曰歲猶弱而能記憶之可以嘉焉洛中傳播之
每人無不知焉到處以是為說話

今歲 大神君讓征夷大將軍於 台德院殿
居武州江戶城指揮群國 大神君移駿府號
大御所

十一年丙午

先生二十四歲

朝鮮國使僧惟政松雲來請和拜 大神君于

伏見城松雲留滯京洛之間先生赴彼客舍
筆語問答松雲歎其聰明也

先生屢赴伏見拜謁及大君歸駿府時有
命曰明年可來駿府直到江戶謁將軍由是
促東行之裝先生告理齋信時曰父母在不
遠遊者孝子之常也然普夫之下無非官士則
無奈之何所謂遊必有方是所以韓子論歐陽
詹也今將離膝下以行千里非素志則方寸亂
矣兩翁皆曰立身揚名以顯父母孝之終也汝

其念茲勗哉我期其遠大可以祝之

今茲惺窩赴南紀先生餞之惜別惺窩手自
執延平答問以授之曰此延平工夫之心法紫
陽傳習之門戶也令我示之非無意也

十二年丁未

先生二十五歲三月甲子朔發京辛未到駿
府留滯逾月四月中旬出駿府到江戶奉拜
台德院殿幕下侍十五日讀黃石兵法漢書高
祖紀項籍韓信張良陳平傳既而歸駿府作東

行日錄於是侍御前數月此時朝鮮信使呂祐吉慶暹丁好寬來聘將赴江戶路過駿府午膳之際先生筆語未半而相別其後賜官暇歸京且蒙命不能辭而祝髮改名道春又有旨赴長崎而歸洛

十三年戊申

先生二十六歲赴駿府日夜侍御前讀論語三畧等賜宅地并土木料及年俸且掌御書庫管鑰縱觀官本今茲信澄初拜謁

大神君及幕下其後先生及信澄共歸省理齋信時

十四年己酉

先生二十七歲在洛娶荒川氏女順淑孺人是也婚禮畢及秋又赴駿府孟冬信澄有故而赴長崎仲冬先生歸洛

十五年庚戌

先生二十八歲正月信澄自長崎歸京談去年蠻船沉海之始末先生作長崎逸事既而

先生赴駿府今茲十一月大明人周性如來訴海上賊船之事因是議之及勘合事 大神君使執事本多正純贈書於大明國福建道總督陳子貞使 先生作之其後正純受 旨遣書於南蠻船主及阿媽港父老 先生作之

十六年辛亥

先生二十九歲 大神君入洛使列國侯伯獻誓辭 先生草之既而 神君歸駿府 先生亦赴焉有 命賜洛邊之八瀬二瀬田中山本

祝園梅畑之村為采地拜戴 印章歸洛理齋信時甚悅以為錦榮

十七年壬子

先生三十歲承 命携耳人荒川氏移住駿府常侍 營中談古今倭漢事跡顧問若干或聞僧徒論議以取其要而啓稟之且告於江戸或陪御藥調和之席讀和劑方等解說之以諭醫者等

今茲信澄蒙 命赴江戸奉仕 台德院殿幕

下常侍 御前春遇日厚雍髮改名永喜號東舟

十八年癸丑

先生三十一歲 五月朔長子叔勝產于駿府
今冬 大神君遊獵到江戸經歷河越鴻巢等
先生奉從馬駿附近邊處處放鷹亦屢扈從

十九年甲寅

先生三十二歲

豐臣秀頼使東福寺僧清韓長老作大佛殿鐘

銘其詞中有不恟 大神君之御首者使

先生議之清韓被罪因茲大坂兵革起先是

先生請建庠序於洛教授生徒有旨可之將

相攸擇勝依兵革不果此冬遂有大坂之役

先生奉從於軍旅之間此行也講和班師

元和元年乙卯

先生三十三歲春在洛理齋自舊冬嬰病

先生日夜侍湯藥正月二十九日理齋屬續歲

七十二葬於洛外某地先生居喪盡禮信時

剃髮改名林入既而除俗忌先生赴駿府奉
旨監群書治要太截一覽開板之事且兼
命補群書治要闕卷此夏每有大坂之役

先生留駿府既而大坂城陷台旆旋洛求日
本舊記於官家而召先生自駿府馳入洛監

之使五岳禪僧等書寫之凡若干部寫了以獻
之八月台旆歸駿先生奉從焉到江州水

口霖雨留御轅三日先生侍讀講論語學
而篇往到駿府

二年丙辰

先生三十四歲在駿府

正月二十一日大神君弗豫先生日候

營中四月十日應召陪御床之傍十七

日大神君遂棄群臣十九日登父能山拜

神廟既而先生送遣宜人及叔勝於京師而

自駿赴江戶而后賜暇到駿府配分官庫御書

以附義直卿賴宣卿賴房卿之家臣而獻日本

舊記并希世官本於江戶而后歸京作丙辰紀

行 今茲十月次男長吉產於京師

三年丁巳

先生三十五歲春詣江戶四月 東照大神自

久能山遷座於下野國之日光山 幕府登山

先生奉從焉暫留山中陟中禪寺經歷古跡見

舊記作二荒山神傳既而歸京此冬又赴江戶

四年戊午

先生三十六歲在江戶賜宅地屢召侍 御前

五月二十九日三男春勝產於京師幼名吉松

麻呂

後改春恕
號春齋

十一月

先生歸京比年東西

往還雖不安居然講學無怠在京之間屢見惺

窩且教授諸生

五年己未

先生三十七歲在京 先生江戶宅庭有瓠花

國俗所謂夕顏花是也源氏物語五條夕顏之

巷舉世唱其詞 先生京洛四條宅之外有一

舍在五條故去歲在江戶扁夕顏巷三字以馳

望鄉之恩而瓠即瓢也顏字陋巷瓢飲之樂暗

合焉今春以是語惺窩聞而甚奇之作倭歌并
序寄之自此遂定之為別號或稱顏巷又曰瓢
巷

今夏幕府入洛有旨沙汰大德寺僧紹長
贖書之事九月惺窩卒先生作哀詩吊之
且編輯遺文倭歌今年在京之間依人未講
春秋傳書傳等日日開筵友朋門生等以下來
聽者甚多洛中移風易俗以列其席為一時之
榮故僅窺文字者乃至醫流之徒無不預焉及

冬赴江戸

六年庚申

先生三十八歲在江戸
十一月二十一日次男長吉患痘疹而夭未幾
叔勝春勝共嬰痘疹因其母之保護而平復外
祖荒川宗意之力居多十二月先生有微
疾告暇歸京先是先生加訓點於朱子詩
傳未畢今般歸家終編

七年辛酉

先生三十九歲四月 先生發京周覽攝州紀
州浴於有馬温湯踰月歸家作西南行目錄而
講學之暇閱吉田兼好徒然草抄解其所引用
且廣演其說作十四卷號野槌行於世
此時 勅賜宋朝類苑一部京尹板倉重宗殊
示 勅本一部傳 詔曰此書不易讀焉可加
朱墨以備 敷覽即補其脫簡正其誤字滴朱
露附重宗乃相共詣 禁中賜飲食就中院藤
通村阿野藤實顯以奏獻之

十月赴江戸

八年壬戌

先生四十歲在江戸四月從 台駕赴日光頃
年公務之暇新加訓點於春秋胡氏傳禮記陳
氏集說今春畢兩部之功今年留滯江戸踰年
九年癸亥

先生四十一歲在江戸今夏 台德院殿

大猷院殿入浴 先生奉從歸京今般

大猷院殿任征夷大將軍既而 兩大君還江

戸先生留洛今年點漢書加朱句其紀傳檢
舊點而八志并表新點之且未數本以考顏註
訂異同詳畧加補宋祁三劉說此本今在
恕也文庫
又加朱句於周禮儀禮註疏此本今在
靖也文庫

羅山林先生集附錄卷二

羅山林先生集附錄卷第二
年譜下

寬永元年甲子

先生四十二歲在洛正月遊八瀨采地叔勝及
門生等從行三月赴江戸異母弟紹信藏主宗
閑
林從之有紀行詩卷

四月十一日執事酒井忠世土井利勝奉

旨使先生奉仕大猷院殿幕下十三日拜
謁幕下自此日日奉侍焉或講論語或讀貞

觀政要或談倭漢故事或接執政之咨詢或赴

崇陰之廳永喜奉仕ス台德院殿之事亦與

先生相同今年朝鮮信使來朝江戸先生聞

副使姜弘重兼春秋館學士舉疑問三條示之

不能答又與進士李誠國筆語唱和誠國號梅庵有能書

之名故先生使彼筆セ顏巷ニ大字以爲堂顏ト

今夏異母弟僧甚性沒於京師先生聞計作

哀詩十一月二十一日四男守勝生於京師

後改春德一名靖

蘇州府志卷之二

頃年加朱句於通鑑綱目至今茲仲冬畢焉

本朝先是未有下點朱於全部者此本今在靖也其後

加朱句於續綱目全部而周覽金氏通鑑前編

及皇明通紀等并諸家綱鑑

二年乙丑

先生四十三歲二月幕府遊獵河越鴻巢

時扈從十一月辛禮御獵亦奉從之

今冬新加訓點於周易傳義而點蔡氏書傳至

明春終編五經訓點皆備矣此五經合部今在

怨也文庫

三年丙寅

先生四十四歲今春亦奉從御獵于河越于鴻
巢時聞叔勝在京嬰病獻祭文於河越管神禱
之叔勝既長聰惠好讀書然多病先生常患
乏故如此五月蒙鈞命撰孫子諺解六月
撰三畧諺解獻之且作大學倭字抄標出四書
五經要語以捧之八月上旬台旆入洛
先生扈從還家時外舅荒川宗意沒即會其葬
今般台德院殿在二條城幕府在淀城

九月 行幸二條城 營內多事 先生往還
京淀之間既而 兩太君還江戶 先生賜休
暇暫留洛其間預議 崇源院殿贈位之事
十一月赴江戶

四年丁卯

先生四十五歲在江戶晝夜官事頻繁偶在家
時無不須臾讀書加訓點於周禮儀禮公羊穀
梁爾雅楚辭國語共終功皆是無舊點者也又
詠月雪五十題自作之註凡比年所涉獵之書

所作爲之詩文甚多叔勝自洛寄書并疑問件
件先生喜而答之

五年戊辰

先生四十六歲春二月奉從御獵于河越

夏四月奉從白駕于日光山九月遣入於

京問林入起居而迎叔勝十月叔勝來江戶

六年己巳

先生四十七歲使叔勝讀藏書夏五月叔勝因

有微恙而赴九相津浴溫泉其病增重六月六

日歸江戶治療不驗十九日終命時十七歲

先生甚哀惜之作墓誌銘是月十六日林入殂

於京師年八十二訃至時先生永喜共賜

官暇而歸洛悲慕之十二月又赴江戶

臘晦台命降先生永喜共叙法印位

先生以其非儒官故作詩并序解說之

七年庚午

先生四十八歲正月元日著法服獻雄劍龍蹄

奉拜謁賜觴瀝受御衣一襲是爲例式

夏五月聞_テ宜人_ト卧_ト病告_ケ暇_ラ發_ラ途_ニ六月七日入_リ京_ニ
還_ル家_ニ今日_ニ宜_シ人_ノ産_ス振_ル娘_ヲ及_テ秋_ニ病_ニ愈_ユ先生_即東_ニ
行_リ到_ル勢_州桑_名偶_々會_フ酒_井忠_世土_井利_勝爲_シ使_ト
价_ト赴_ク洛_ニ兩_使述_ス鈞_命使_ト先生_相共_ニ入_リ京_ニ今_ノ
般_有即_レ位_ノ事_ト先生_從兩_使入_リ禁_庭窺_フ
見_ル其_儀使_畫工_狩野_守信_圖之_且作_レ倭_字記_而
與_兩使_同途_赴江_戶獻_圖記_今年_冬兩_太君_賜
郭_外上_野之_内百_弓之_地以_爲先生_之別_墅
而_賜黃_金二_百兩_將開_庠序_ヲ

八年辛未

先生四十九歲 今茲 台德院殿弗豫

九年壬申

先生五十歲 正月二十四日 台德院殿薨

逝二月二日 先生蒙_レ命_馳驛_五日_入洛_逢

板倉重宗會_ニ二條前内府藤實條日野亞相藤

資勝奏_請前太君謚號_{十三}日到_江戶_獻之_資

今冬尾陽亞相義直卿築_一堂_於上_野別_墅安

置_聖像_及顏_曾思_孟像_義直_卿書_親筆_先聖_殿

三太字以為堂額又稱大成殿且納祭器若干
先生構文庫藏群書數千卷又使畫工其圖伏
羲以下至孔子十一聖并顏曾思孟周子二程
張邵朱子像二十一幅以藏之頃間加給食祿
十年癸酉

先生五十一歲 二月丁日初釋菜於先聖殿
四月十七日 台駕詣東叡山時過 先生別
墅御覽聖堂有 命使 先生講堯典賜白銀
若干永喜亦賜時服

十一年甲戌

先生五十二歲 三月賜駿河亞相忠長卿舊
館之內太厦一宇於 先生移建於先聖殿傍
同月執事酒井忠勝蒙 旨登日光山 先生
副之沙汰山中制法又預議增上寺制法
六月 幕府入洛 先生扈從奉 旨作御入
洛記八月 台旆還江戸賜暇暫留京十月携
妻兒移家於江戸十一月男恕初登 營奉拜
幕下

十二年乙亥

先生五十三歲 正月奉_レ旨抄出倭漢法制
輯為三卷獻之三月預聞宗對馬守義成柳川
調興朝鮮書簡桌廣訴論之事從諸執事啓達
之而后幕府直聽以決之調興被罪今夏會
執政等奉_レ旨作武家法度十九條并麾下諸
士法度二十三條
秋冬之際再覽十三經註疏加點生於註文

十二年丙子

先生五十四歲 正月預議伊勢内官外官神
官拜禮前後事未決問諸朝廷公卿僉議謂
外官可為先然先生固執之謂内官可為先
檢舊記獻勘文若干條幕下曰可也即遣近
臣阿部重次持_レ先生勘文入浴以奏之
朝廷無異論其事遂定 二月奉_レ旨獻倭漢
荒政恤民法制二卷 四月日光 東照新廟
改築造畢 幕府登山 先生扈從承_レ教作
新廟記 九月賜印章於諸國社家僧徒凡數

百通 先生預議之十二月朝鮮信使來朝承旨與進士權儀筆語問朝鮮官制於信使又揭朝鮮國書中所載疑問數件示之不能答之及其歸國草御書且代執政等作答彼禮曹書先是武將與朝鮮贈答書使禪僧作之既為舊例今般初使先生為之頃半日夜近待御前眷遇殊渥屢有恩賚

十四年丁丑

先生五十五歲今春幕府不豫晝夜侍

營中踰所不還家其間或候御前談倭漢故事或監諸醫藥劑之事既而貴體平復七月執事堀田正盛奉旨曰舉經書之語為論題問答之可以達台聽乃與永喜等齊議以待其期日公務繁多未果而今冬嶋原耶穌蜂起而其事不行

十五年戊寅

先生五十六歲今夏永喜顯病八月十九日卒歲五十四先生哀惜焉葬之以儒禮作碑

羅山附錄卷二
銘而請執政使其子永甫拜幕府而繼其家
領采地今年有旨開藥苑先生獻倭漢
勘文自去歲仲秋讀溫公通鑑至今夏終編
併看胡三省註往往點朱句且讀了劉恕外紀
薛氏宋元通鑿其後再覽朱子綱目并續綱目
南氏前編先是家藏有二十一史兩部春槩一
校了初少年之時讀日本書紀壯年寫續日本
紀仁明紀文德錄及三代實錄加朱句其後寫
西宮記北山抄江次第令義解集解類聚格類

聚國史林系紀畧朝野群載侍中群要公卿補
任等涉獵之其餘神書詩賦小部之書及倭歌
家者流之所傳保元平治以來兵革之小說無
不見之侍駿府時屢誦東鑑於當時武家之政
務可併考者數矣乃至寺社所傳之舊記錄起
偶觸目則往往寫之凡自少年在他席見書無
倭漢無新舊披繙之其中抄出者多矣雖壁畫
贊語或諳誦之或寫之歸家載於冊子至老年
猶然

十六年己卯

先生五十七歲 七月奉 命作無極太極倭
字抄獻之 先生天性敦厚不以才名誇人故
在 營中與士大夫語則侃闔也退 公遇子
姪門生等則誨而不倦講學之暇作為文章賦
詩聯句則不覺至夜闌自少壯至老晚未見怠
懶之色常謂人曰古來評文章者有云韓文百
篇百樣柳文百篇一樣我於韓柳不可企及然
百篇百樣者聊慕之詩者以少陵為宗然吾豈

敢哉唯隨其所當聊遣興而已

十七年庚辰

先生五十八歲 四月當 東照太神二十五
回忌 幕府登日光山行太齋會 先生奉從
之美 命作齋會記

今茲臘月謂門生等曰吾雖老衰然讀書未倦
自今春至歲末所閱者殆七百冊汝輩勉焉以
是每歲可准而知之凡自少年讀書數行俱下
至壯歲彌頓敏至老成益神速也先是二程全

書邵子全書龜山文集小學近思錄伊洛淵源
錄朱子大全語類性理大全大學衍義并補許
魯齋吳臨川集薛氏讀書錄胡氏居業錄蔡
齋蒙引學節通辯異端辯正困知記等理學之
書或一見或再見往往加點朱至若象山陽明
林兆恩之書亦電覽之如老莊列荀揚文中子
或講之或加朱墨其餘諸子粗槩見之曾加訓
點於陶淵明集涉獵漢魏六朝之文若李杜韓
柳香山樊川荆公蘇黃後山簡齋集文章正宗

宋學士集往歲既熟覽之頃年寫劉禹錫集豫
章全集楊誠齋全集其餘古文苑藝文類聚文
粹文監文類及唐宋元明諸家隨其所見而無
不終編又嘗再見事文類聚全部加朱而如太
平御覽廣記文苑英華杜氏通典白孔六帖玉
海漢魏叢書百川學海裨編海曹氏十代
詩選等大部一考再校有差在兵書則七書講
義直解武德全書等既加朱點其餘講武全書
武備志等點閱之在地理則水經以下大明一

統志廣東通志西湖志名山勝水志閩書等在
醫書則素問靈樞據王氏馬氏兩註加點塗采
而校張氏類經且粗閱病源論千金方三因方
奇効良方本草綱目醫統正脈等若干部乃至
佛書禪錄等讀過不少或有加朱句者如倭書
則少年所見猶未多壯年以來尋求於諸方繕
寫者殆數車是其涉獵之萬一也且講四書五
經者數矣其餘佔畢不遑勝計也闔國既伏其
博識而芳聲播於異域然常無自負之意戒門

生等曰凡讀書雖英敏之人恐不能記憶其半
然則比著其書者而猶輸其半况亦於未能記
其半者哉今學者纔窺文字則輕侮他人我爲
之攢眉且有耻下問者猶可優恕之雖上問猶
耻之所以學業不進其以是也

十八年辛巳

先生五十九歲 二月有 命聚武林諸家系
譜使太田資宗監之 先生副之既而各獻其
家譜議其是非正其真偽以撰定之號寬永諸

家系圖傳自今歲之暮起筆

今年兼命撰本朝神代帝王系圖鎌倉將軍譜京都將軍譜織田信長譜豐臣秀吉譜也靖也侍其側草之

十九年壬午

先生六十歲自春至冬編輯諸家系譜綴文繕寫者數十人先生總裁之作示諭若干條以示諸徒恕也亦預其事且別奉命撰中朝帝王譜十三卷獻之恕也靖也草之

秋冬之際每有暇加朱於馬氏文獻通考全部二十年癸未

先生六十一歲七月朝鮮信使尹順之趙綱申

濡來朝

順之號洋濱綱號龍洲濡號竹堂

先生與二使詩筒

贈答數回且與進士朴安期屢筆語唱和恕也靖也亦然及其歸國作御回簡及諸執政答書如丙子之例

八月十一日恕也嫡男春信生與先生同支干其生月亦同也其母者倉橋氏也先生甚

愛之 九月寬永諸家系圖傳成漢字倭字都合三百七十卷其始末詳序文資宗進覽之以藏於官庫 同月執事酒井忠勝松平信綱為使節入洛以有讓位即位之事也有旨使先生副之且使恕也從行在洛四十餘日至仲冬還江戸 先生在洛之間亦甫宿病不起死於江戸無子永喜絕後 先生憫之還爾乃返彼采地於官

正保元年甲申

先生六十二歲 去年留洛之日末陶氏說郭及續說郭於書肆今春開卷至孟冬一校加朱句了

蒙 鈞命修 本朝編年錄至十月先獻數卷其後隨成逐卷捧之經年至宇多紀其末未成今年有改元之儀以有舊年即位也管家之輩依舊例奏進之即達江戸召 先生於御前被決之十二月改寬永二十一年為正保元年同時元老酒井忠勝奉 旨使先生勤進

幼君御諱家綱其及字與東照大神御諱相
同十二月十四日春信同母弟春常生
歲末恕也初賜年俸

二年乙酉

先生六十三歲 四月二十三日 幼君著袴

元服 勅使來賀捧二品亞相位記 宣旨其

儀嚴重使 先生作袴字記此時有 旨考

東照大神官位昇進次第尾陽義直卿獻勤文
先生亦預其事使恕也馳驛登日光山赴久能

山寫其所藏之舊章且歸啓達之與義直卿所
獻併校之首尾全備既而考 台德院殿位記
宣旨次第

今冬有高野山僧徒訶論之事 先生有病恕
也代之預聞焉既而官使安藤重長登高野沙
汰之恕也兼 旨從行及臘月畢事歸府歲末
恕也叙法眼位

三年丙戌

先生六十四歲 自去歲至今年宿病未愈其

間有咨詢之事執事松平信綱來尋數回元老忠勝亦來問其餘近臣數輩或乘旨寄書或自來就問之至若細小之事則使怒也登

管辯乏既而有命使信綱携官醫數輩議治療之事經月得微驗有日光之一事有旨召先生於二凡便殿聽乘輿入府門至御厨所而下輿進到御前有所告而退及秋氣宇平復

今秋振娘赴京嫁荒川宗長

臘月元老忠勝執事忠秋奉旨召守勝初登

營而加食祿於恕也且賜永喜舊宅而以先是所賜恕之年俸被授守勝守勝素志不願仕官故今二十三歲未曾拜謁至此聞其名召之

四年丁亥

先生六十五歲今春恕也修造新宅以移居先生以倭漢群書一千餘部授之其中朱墨手澤多多有之而以副本同類之書七百餘部分與靖也其餘所自藏猶有數百部自此又多求書常謂人曰藏書大半既渡與二子其所餘者

可昇嫡孫春信既而先以少年所誦之論孟古
註五經舊板本授春信

今年中院內府源通村在府有日矣 先生訪
乏談 本朝歌人唐宋詩人對偶之事及其歸
京有贈答詩歌先是攝家親王諸門跡傳奏昵
近之公卿來府者無不通交此後以其年齡漸
高故世情稍踈而朔望之外不召則不肯登
府而尋常交際亦不頻繁唯有同志之招呼則
不擲掄之往談遣一時之興耳人荒川氏常有

內助之力故以家事附之而讀書之外無他乘
興則時時憇息於別墅乃營詩仙堂以作其圖

贊

慶安元年戊子

先生六十六歲 今年四月正當 東照太神
二十三回御忌辰 幕府登日光山修大齋會
如舊式且加以法華八講 勅使及公卿數十
輩自京來會其儀嚴肅 先生奉從之應

教作記

二年己丑

先生六十七歲 頃年以公私繁務故春秋釋菜暫闕焉今春二月再興之自此逐年其儀寢備 自今年至明年再覽溫公通鑑併胡氏註悉加朱句此本羅丁酉之災舊本今存於恕也文庫

三年庚寅

先生六十八歲 今夏五月尾陽義直卿逝於江戶邸 先生哀慕作挽詞奉悼之初 先生在駿府時既謁義直卿賴宣卿賴房卿故二卿

共善遇之曾應義直卿之求作神社考詳節宇多天皇紀畧等常談 本朝故事應賴宣卿之求作棠陰比事諺解且屢問法律之事應賴房卿之求抄出神道要語賴房卿嫡子羽林光國卿好作詩文屢有贈答凡在府三十餘年其間侯伯達官士林濟濟或開講席或設雅筵其交際親疎有差

去歲恕也女子生今歲又產女子

四年辛卯

先生六十九歲 四月二十日 幕府薨逝奉

葬日光山五月 先生登山預議謚號之事既

而歸府八月 幼君亞相任征夷大將軍此時

元老執政咨詢多多其後阿部忠秋請先生

作大學倭字抄真觀政要諺解以獻 幼君

今茲臘月元老執政述先君顧命以武州之

內赤木村袋村柿沼村加賜 先生以為采邑

兼應元年壬辰

先生七十歲 今秋預議改元之事秋冬之間

恕也從忠勝登日光山及還家有五百言六百

言贈答

今年 先生口授四書句讀於春信時十歲

二年癸巳

先生七十一歲 四月正當 大猷院殿三回

御忌辰忠勝登日光山監法會之事恕也從之

九月 先生携請也登山拜新廟歸路過其采

地有往還紀行今般訪足利學校舊跡借前代

上杉憲實父子所寄納之五經註疏舊唐本自

今冬至來年與家本一校之改正文字而后十
三經註疏全部加朱句往年所考之本既附怨
也今所考者晚年所求白紙善本也

舊本今在
怨也文庫

三年甲午

先生七十二歲 今年十三經周覽之暇口授
五經句讀於春信其後教之以左氏傳文選李
杜蘇黃詩集且見彼所作小詩屢賜和章春常
亦侍側 今年四月靖也妻伊藤氏初產男子

先是既產一女今般產後臥病至月未掩糶
先生憫之

明曆元年乙未

先生七十二歲 今春兼旨擇中華歷代名
臣三十六人作之贊又撰進漢魏六朝唐宋百
人一詩 四月預議改元之事

今茲宜人荒川氏嬰病藥劑針灸無不盡其術
如靖晝夜侍側振娘偶歸寧陪枕邊 先生手
自考醫書以勞其心

今夏執事阿部忠秋奉旨賜銅瓦庫一宇移建於家塾工匠皆曰不有風雨之懼可無火災之害先生甚喜先是所未授恕靖之倭漢群書及近年所求者萬餘卷悉藏於此既而就忠秋獻白紙五經註本於幕府

十月朝鮮國信使趙翠屏俞秋潭南壺谷來朝初至大坂見先生所作五花堂記相共廢賞之至此入府先生寄詩於三使贈答數回又與進士李明彬相酬和及三使歸國作御回翰

及元老執政答書如前例發府之前夕秋潭寄示按桑壯遊百五十韻以求廢載先生即日和之口授靖也草之文不加點一人在側淨書之至翌日而成乃馳及小田原而達焉秋潭驚歎其速成作詩作序以謝之先生又和之追及於途中時人以爲美談

二年丙申

先生七十四歲今春宜人荒川氏宿病大漸三月二日遂歸泉葬之以儒禮寔於別墅之內

恕靖請先生私謚曰順淑孺人其顛末詳在事實歷五旬而使恕也赴京有告諭姻戚之旨

在洛十餘日畢事而歸府既而振娘歸京

先生既以所藏二十一史分授恕靖各一通二三年前又求善本一通藏之於銅庫逐卷見之唯以三史熟爛故一點檢而已自三國志以下乃加朱句謂人曰吾自少壯既知歷代始末而廣覽數千萬卷唯二十一史全部從頭至尾未遑滴朱露今雖暮齡既迫猶有一周覽之志若

幸保三年之命則可以遂素志既而覽晉書宋書南齊書共點朱句且其間求得希世之好書則一見之今秋先生請執政携春信初登營奉拜謁幕下十二月十一日應召講大學首章於御前賜御衣若干

歲末靖也叙法眼位

三年丁酉

先生七十五歲元日登城拜禮獻雄劍龍蹄賜觴瀝受御衣如例恕也靖也所獻所賜受

亦然 十七日依例詣紅葉山拜 神廟異事
 歸家氣宇不常 十八日江戸大火怨也宅罹
 災文庫幸免 十九日江戸又火 本城回祿
 大君移居西城餘煙滔天城下大半逢災
 先生宅不能免池魚銅文庫并別庫共燒失藏
 書及財用皆為烏有唯靖也文庫無恙於是各
 赴別墅時 先生輿中所携唯所點朱之梁書
 一冊而已平生造次顛沛不廢讀書今春讀梁
 書過半今日火起時猶點朱及既急而怨靖保

護而出然手猶不廢卷者如此 先生謂銅庫
 所官賜而其製堅緻可免火災逮到別墅猶問
 銅庫燬否或其免乎未至者曰既焦土 先生
 曰多年之精力盡於一時嗚呼命也終夜嘆息
 胸塞氣鬱明日遂臥病此時官醫皆逢災不知
 其所在偶有所識之醫在近邊呼之進其藥
 二十二日使怨也登西城奉問 幕府與居
 此夕 先生痰喘煩悶彌留又呼他醫治之
 二十三日怨也告 先生之疾病於執政乃使

官醫來診之未到。先生易箚官醫及門而歸。此夕小歛計聞舉世無不哀惜焉。貴戚侯伯元老執政達官群收以下所相識之士林及朋友門生等吊者逐日多多。二十四日治棺。二十五日相攸於別墅良隅穿壙作灰隔。此夕舉棺木歛設靈座作魂帛陳奠供立銘旌其製法聊倣朱子家禮。恕靖胥議私謚稱文敏先生。昔惺窩常稱曰道春博文無雙勤學頓敏也。至老晚其事業不違惺窩所言。故今奉謚之。

儀如此。二十九日襄事門生等來會恕靖及春信春常黻衣素服護靈柩至壙邊祭后土讀祝文上香遂窆之而安神主作祝文築墳墓神主之製用伊川之式墳墓象馬鬣封。今夕行奠祭歷日製續納。神主有韜有藉共擬家禮既而建小石碑於墓前粗記履歷行實而疊石爲基趾其周圍用栗柱若干株設戶於碑前以鎖鑰而開闔之而植樹於其傍。順淑孺人墓及永喜叔勝墓亦在其邊。今秋恕營本宅新建祠堂。

以奉祭不怠

先生平生事業其顯著者舉世所知載在口碑至若細小之事且恕也未生以前今難枚舉故聊叙所聞見以附於文集詩集之後也其所漏脫者他日可作外傳逸事以補之

萬治二年己亥十一月晦日

不肖孤恕謹記

羅山林先生集附錄卷第二終

